

# Aria nova

Ghjè una leccia, leccia scurticata  
A furesta trà pocu sradicata  
Ghjè una petra ch'un si po tuccà  
Una ruina mai piu rialzata

**Ventu à nanta à culletta**

**Suffierà cumè nanzu**

**Dà rena à l'allivi**

**Dà rendeci vivi**

Ghjè una stella di nera lumera  
Paradisu ormai à bughjera  
Ghjè l'ombra chi par le pianure và  
L'estru malignu nantu a l'impiccata

**Ventu à nanta à culletta**

**Suffierà cumè nanzu**

**Dà rena à l'allivi**

**Dà rendeci vivi**

Ghjè una tarra, un populu persu  
A fruntiera rotta in traversu  
Paese ch'omu vene à tralascià  
Una nazione ancu piu annigata

**Ventu à nanta à culletta**

**Suffierà cumè nanzu**

**Dà rena à l'allivi**

**Dà rendeci vivi**

*Aria d'aRena / Louis Crispi*